

ԱՐՑԱԽ — ՀԱՅԱՍՏԱՆ. համատեղ գործողությունների ժամանակը

Հայաստանի և Լեռնային Ղարաբաղի վերամիավորման մասին Հայկական ԽՍՀ Գերագույն խորհրդի և ԼՂԻՄ-ի Ազգային խորհրդի համատեղ որոշմանը արցախցիների ցույց տված միահամուռ ջանքերը պաշտպանության փայլուն հավաստիք են դրավ Ստեփանակերտի Հաղթանակի հրապարակում անցած կիրակի օրը կայացած մարզային կենտրոնի բնակիչների բազմահազարանոց միտինգը:

Ներկաներին դիմեց ԼՂԻՄ-ի Ազգային խորհրդի նախագահ, ԽՍՀՄ Ժողովրդական դեպուտատ Վաչագան Գրիգորյանը: Նա միտինգի մասնակիցներին և ի դեմս նրանց՝ Արցախի բոլոր աշխատավորներին շնորհավորեց մեր ժողովրդի համար պատմական իրադարձության առթիվ: Հոնտորն ընթերցեց ընդունված որոշումների տեխտերը և մարդկանց կոչ արեց առավելագույն շանքեր գործադրել հայոց պառլամենտի որոշումների կենսագործման համար: Ընդ որում նա ընդգծեց, որ անհրաժեշտ է համախմբվել Ազգային խորհրդի՝ որպես ինքնավար մարզում ներկայումս գործող միակ օրինական իշխանության շարժը, ամբապնդել կարգապահությունը, չզբաղվել

ինքնագործունեությամբ, չենթարկվել ամեն կարգի պրովոկացիաների:

Միտինգում ելույթ ունեցողները նշում էին, որ հայ ժողովուրդը պետք է ինքը վճարի իր բախտը, և նա այդ բանն արեց: Հիմա կանգնեա գործեր են պետք: Համատեղ որոշումները պահանջում են համատեղ գործողություններ: Պետք է հիշել, որ արդարության վերջնական հաստատման համար պայքարը դեռ չի ավարտված, քանի որ Լեռնային Ղարաբաղի Ինքնավար Մարզի իրադրության նորմալացման միջոցառումների մասին ԽՍՀՄ Գերագույն խորհրդի որոշումը բացարձակապես չի համապատասխանում Արցախի իրավիճակին և էլ ավելի է բարդացնում ազգամիջյան հարաբերությունները ունեցնում:

Միտինգում ընթերցվեց մի խումբ զինակազմիկների դիմումը՝ հասցեագրված ԼՂԻՄ-ի զինվորական կոմիսար, գեղապետ Վ. Վիկտորյանին: Դիմումով խնդրվում է օժանդակություն ցույց տալ, որ զինակազմիկները մարզի բարդ իրադրության կապակցությամբ իրենց զինվորական ծառայությունը անցկացնեն Լեռնային Ղարաբաղի տարածքում:

Նույն օրը երեկոյան տեղի ունե-

ցավ ԼՂԻՄ-ի Ազգային խորհրդի նախագահության նիստ, որտեղ ֆենարկվեց ընթացիկ պահի հարցը:

Ստեփանակերտի օդանավակայանում տեղի ունեցած պատահարի առթիվ ԼՂԻՄ-ի ներքին գործերի վարչության պետի պաշտոնակատար, գեղապետ Ա. Ուսենկոն Արմենպրեսի բարակցին հետևյալը հաղորդեց.

— Դեկտեմբերի 3-ին, գիշերվա մոտավորապես ժամը 3-ին ֆաղափ օդանավակայանի բոխչավայրէջքային գոտում անհայտ անձինք պայթուցիկ համասարք են գործադրել: Պայթյունի հետևանքով գոյացել է 1,5 մետր տրամագծով և 25 սանտիմետր խորությամբ ձագար: Պատահարի վայրն են մեկնել ԼՂԻՄ-ի ներքին գործերի վարչության օպերատիվ-ֆենչական խումբը և ԽՍՀՄ ներքին գործերի մինիստրության ֆրեական հետախուզության գլխավոր վարչության օպերատիվ աշխատողները: Տուժածներ չկան: Նորոգման աշխատանքների կապակցությամբ օդային տրանսպորտի երթևեկությունը ժամանակավորապես դադարեցվել է: Թռիչքները վերսկսվեցին նույն օրը, ժամը 16-ին: Այդ փաստի առթիվ ֆենչություն է կատարվում: